

آبونه شرائطی

داخلی، خارجی، هریرایچون
سنه لکی (۲۵۰)، آلق آیلنی
(۱۳۰) غروشدور.

نسخه سی • غروش،
سنه لکی ۵۲ نسخه در

اداره خانه

باب عالی جاده سنده دائره مخصوصه
اخطارات

آبونه بدلی بدیندر

مسئله موافق آثار مع المنونیه
قبول اولنور. درج ایدله یین
یازیلر اعاده اولونماز

والله یهدی من یشاء الی صراط مستقیم

محمد عاکف

اشرف ادیب

آبیمون اهدکم سیل الرشاد

کتابخانه



دینی، فلسفی، علمی، ادبی، سیاسی هفته لق مجموعه اسلامیه در
صاحب و مدیر مسئول
باش محرر

اخطارات

ادرس تبدیلنده آبرجه بش
غروش کوندردلیدر

مکتوبلرک امضالری واضح
واوقه و ناقل اولسی و آبونه صره
نومر و سنی محتوی بوتوسی
لازمدر

ممالک اجنبیه ایچون آبونه اولالارک
آدرس لرینک فرانسه جده یازلمسی
رجا اولنور

باره کوندردلیکی زمان نهیه داتر
اولدهی واضحاً بیلدیرلمسی
رجا اولنور

مقتدرانك رجال سياسيہ سنہ مرتب بروظيفہ ہومسٹاپي برايكي سنہ و قوعى
محتمل اولان حادثائى نظر اعتبارہ آلارق دكل . بالعكس اوروبائى مشغول
ايدن برمانك احساسى نقطۂ نظرندن تدقيق ايتلدر . ہومسٹاپي ، يك چوق
ہويوك ، بلکہ حربك اك ہويوك مسئلہ سيدر .



سيد علي امير حضر تارينك تاييسه جوابي

(تاييس) ك ۷ كانون ثاني تاريخي نسخہ سنہ ہندستانہ اكا برجلندن
وعلمای بنامندن مجلس قرالى مشاورى سيد امير علي حضر تارى طرفندن ويريلن
جوابدر :

« تاييس » سر محررينہ

افندم ،

استانبول حقندہ انگليز سياستك نقطۂ نظري ايضاح ايدن مهم
بندكرہ دائر ملاحظات آتيہي درميان ايجون معتاد اولان نزاکت
ولطفكرہ مراجعت ايلرم .

يكرمي بش اوتوز ميلونلق تبعۂ مسلمہ يہ مالك اولان فرانسه نك
حسبات اسلاميہ رعائتكار اولماسنہ قارشى يوز ميلون تبعۂ اسلاميہ سى
اولان انگلترہ نك بونلرى اھمال ايتسى جدا كولوئچ اولور . بو ايكي
دولت معظمہ نك تمايلات وحالات فكر يہ سنہ مشہود اولان فرقلر
تعميق ايدلديكي تقدير دہ انگليز رجال سياسيہ سبلہ اركان مطبوعاتك
نظر دقتہ آلہ لرى اقتضا ايدن بر مسئلہ اولور . ہومسٹاپي ہم طوغريدن
طوغرى يہ علاقہ دار اولديغ نقطۂ توصيہ ايتديككز سياستك ہندستانہ
توليد ايدہ جكي وضعيتدر .

(بریتانیا) ايمپراطور لغندہ ہر كس ہندستان مسلمانلرينك استانبول
وخلافت عثمانیہ حقندہ كى حسلرينك درينلكنى وشدتى بيلير . ہند
مسلمانلرينہ منحصر اولمايان بو حسك طوغدينى زمان ، ايستر سرك
ديديككز كى يكي ، ياخود نچہ معلوم ومؤكد اولدينى وجہلہ من القديم
موجود اولسون بو اسكلك يكللك مسئلہ سى ، اولك سياست عملیہ دہ
برعامل اولماسنہ مانع دكلدر . او ، جانلى بر شعوردر وبوتون ہندستان
قطعہ سنى صارمش ، ہندستانك كافۂ صنوفدہ بي نظير بر هيجان ايقاظ
وتوليد ايتمشدر .

بونى ہم برحس اوله رق تلقى ايتك ، ہم دہ انكار ايتك سياستہ
ائتلاف ايتز . هيچ اونوتمايزكہ « حس » تاريخك ادوارندہ بر جوق
حر كترك عامل ومؤيدى اولمشدر . محاربات صليبيہ نك اساسى « حس » در .
انگلترہ يى فلسطين ، قدس واستانبول حقندہ تحريك آميز انديشہ لرہ
اوغرانان وتعبات دينہ دن آزادہ اولدقلى ظن اولنان محيطلرى دہ
فتح وتسخير ايدن اودر . (بریتانیا) ايمپراطور لغنك صلح ومسالمت
ايجندہ نكشافى و ہندستانك - بریتانیا لى و ہندلى - نفوسك سلامت
وامنيته ايتستہ ين ہر وطنداشك ، سرك توصيہ ومدافعہ ايتديككز
سياستہ قارشى دفع آواز ايتسى بروظيفہ در . بوسياست توركيانك

مقدراتى تنظيم ايدہ جك حكملر نژدندہ جاي قبول بولورسہ بونك
نتيجہ سى بي حضور اولان بوتون قوتلرك بريولہ برلشمہ سيدر .
بر ملاحظہ دہا درميان ايتمہ مساعده ايديكز . دييورسككزكہ
استانبول توركلرك الندہ قالدینی مدت آوروپا اقوامى ايجون بر منبع
اختلال اولدى . بواختلال ، آوروپا دولتلرينك استانبولى الموق اورندہ كى
رقابتكارانہ احتراصلرندن طوغهايورميدى ؟ اوسترديككز طرز حلك
بواختلالى نہايتذير ايدمہ چكنى دہ بيان ايلرم . چونكہ بو طرز تسويہ
نتيجہ سنہ تہلكہ نقطہ سى آوروپادن شرقہ انتقال ايدہ جكدر . دہا
صوكرہ « مراقبہ بين الملليہ » ہر زردہ تجربہ ايدلشمہ بر فائدہ ويردیمي ؟
بونى اثبات ايجون « طنجہ » يى كوستريرم . ۸ كانون ثاني ۱۹۲۰

امير علي

حيدر آباد قونفرانسى

ذات حضرت خلافتناہيہ بيعت خالصۂ دينہ دہ بولونيور

اخيرا ہندستاندہ سندقطہ سنك مركزى اولان حيدر آباد شہرندہ
خلافت مسئلہ سى حقندہ مهم برقونفرانس انعقاد ايتمش ، قونفرانسہ
ہندستانك اك مهم اسلام مركزلرندن و بيوك شہرلرندن كوندريلن
مرخصلر اشراك ايلہ مشلردى . قونفرانس بو مسئلہ مهمہ حقندہ
بعض مقررات اتخاذ ايتديكي كى ، ذات حضرت خلافتناہيہ عرض
بيعت ايدلسنى دہ تحت قرارہ آلمشدر . بو قرار قونفرانس رئيسى
(غلام محمد) امضاسيلہ مقام صدارتہ كشيده اولونان بر تلغرافنامہ ايلہ
تبليغ اولونمشدر . تلغرافنامہ نك صورتى بروجہ آيتدر :

« حيدر آباددہ انعقاد ايدن خلافت قونفرانسك مقررات آتيہ سنى
عتبۂ سنۂ حضرت خلافتناہيہ عرض الملكرى رجا ايلرم : قونفرانس
ذات حضرت بادشاہى يى خليفۂ مشروع اوله رق طائيق خصوصندہ عالم
اسلامہ اشراك ايدر ويہم بر ذيشانغز اقدمز حضر تارينك خليفہ سى
واميرالمؤمنين اولان ذات حضرت خلافتناہيہ بيعت خالصۂ دينہ ايلہ
مربوط اولديغمزى عرض ايلر . »

اراضى مقدسہ ماندا آلتہ آينہ من

(تاييس) غرتہ سنہ ہندستانك (امرتسار) شہرندن وارد اولان
معلوماتہ نظرأ مسلمان جميتى رئيسى (حكيم آجل خان) ۲۹ كانون اول
تاريخيلہ واقع اولان بر مٹينغدہ ايراد ايلديكي نقطدہ خلافت ومقامات
مقدسۂ اسلاميہ حقندہ بروجہ آتى درميان مطالعات ايلہ مشدر :

« مسلمانلر ، مہد اسلام اولان بو اراضيدہ غير مسلم بردولتک هيچ بر صورتہ
ماندا درمہدہ ايدمہ به چكنى اونوتمازلر . بويلہ بر حادثہ اسلام عالمندہ دائى
برشورش توليد ايدركہ بونك معناسى مسالحتجو بر خلق ايجندہ حسيات نخسور .
مشكارانہ يى ايقاظ ايتكدر . »